

## BILEMBO OYO EZALI KOTALISA : Makambo ya kotiya na liboso. Moto nyonso akokata soki makambo nini akotiya liboso ya makambo nyonso.

**Kolimbola makambo ya kotiya na liboso ya nyonso:** Kozala na boyebi ya makambo oyo ezali na ntina to mutuya po ete makambo oyo eleki mutuya ekweyisama te na bomoyi na biso na makambo oyo ezali ntina mingi penza te.

**Koyekola ba maloba:**

**Lolengo mususu ya ba maloba —**

N.pl. Azali na makambo oyo atiye liboso ya nyonso oyo ezali na bwagna to mayele na bomoi na ye. Azali moto oyo azali na makambo oyo ezali liboso ya nyonso na ndenge ya alima.

N.s. Na zali na makambo mingi ya kosala, Kasi makambo ya kotiya liboso ya makambo nyonso ezali nini ?

V. Kanisa na oyo esengeli osala mpe tiya likambo na likambo na molongo.

**Liloba mususu nini bozali komona na “kotiya na liboso ya nyonso” ?**

Oyo ezali koya liboso ya nyonso (liboso ya makambo nyonso) - Adj. Na lisanu ya kotiya makambo liboso ya nyonso, lisanga na bango ya mutopi elongaki kotiya makonga zomi (10).

(Na boye, liloba «kotiya makambo liboso ya nyonso» ezali na likanisi ya kopona, ya kotiya likambo moko liboso ya makambo mususu.)

**Histoire ya Bible :** Ajé azali kobenga libota na kotonga lisusu Ndako ya Nzambe. Mokanda ya Bible : Ajé.

**Etaleli :** Soki likanisi ya kokotisa bana na lisano oyo ezali, bitaleli mosusu ekozala penza na ntina te. Ba foto ya Ajé to ya kotonga lisusu Ndako na Nzambe yango moko ekozala mwa pasi mpo na kozwa. Soki bilili ezali, tozali kosenga bino kotala yango po :

Ndako ya Nzambe ya Salomon (Oyo bapanzaki pe batongaki yango lisusu na tango ya Ajé) Salela bilili tango nyonso bakolobelha po na Ndako ya Nzambe ya libloso to Ndako ya Nzambe ya Salomon.

Bilili ya Yesu na kati ya Ndako ya Nzambe (kosalela na suka ya leso tango tokoyekola ete esengelaki batonga lisusu Ndako ya Nzambe oyo Yesu ateyaki mokolo moko). Tala na likasa ya 10.

Yeba ete bilili ya ba histoire ya Bible mingi ekoki komonana na Internet, soki okoki kobimisa yango na ordinateur to imprimante.

Etaleli ya makasi ekozala kosala saki ya elamba ya bongo bongo pe ya kotoboka na sé na yango. Salela likambo oyo soki ezali liteya ya Ajé 1:6 (Tala likasa ya 5).

### **Verse ya kosimba na mutu:**

Kasi, *Luka nanu bokonji ya Nzambe na bosembo ya Nzambe, pe biliko oyo nyonso mususu ekopesameli bino na kobakisama.* Matthieu 6:33.

Makanisi po na liteya ya verse ya kosimba na mutu : tango yo lobi «ya liboso», oyo batindiki na mosapi. Tango olobi «Bokonji ya Nzambe», ezali kolakisa na likolo. Soko olobi «Biloko oyo nyonso», ningisa maboko po na kolakisa oyo ezali nzinga nzinga na yo. Tango yo olobi «Kobakisa», tiya makobo nyonso mibale liboso, kotala likolo, lokola po na kopesa likabo na moto.

Maloba ya verse oyo esalemaki na nzembo ya sango malamu ya bato nyonso. Soki yo oyebi yango, Esengeli koyemba verse oyo elongo na bana.

### **Ebandeli ya leso (Ebandeli) :**

Elobamaki na Kwame ete azalaki na maladi oyo ezalaki na kisi te. Alingaki ya solo kokufwa na basanza motoba. Abandaki kobondela po na kobika, kasi eyaki te. Tango azalaki kobondela, nzokande, Nzambe a pesaki kimia ya kokufa. Na sima, Monganga (Docteur) ya Kwame ayebisaki ye ete etikalaki na ye kaka pene basanza misato. Tango Kwame azongaki epayi na ye, abimisaki likasa ya mukanda pe abandaki kokoma mulongo to liste ya makambo nyonso. Alingi kosala nini na basanza oyo mine oyo etikalaki na ye ? Kwame abandaki kosala liste ya biloko nyonso oyo alingaki kosala pe kokokisa yambo Nzambe abenga ye. Pe abandi kokoma batalo liboso ya eloko moko na moko. Lokola azwaki ekateli likolo ya oyo ezalaki mutuya mingi, atiyaki 1,2 to 3 liboso ya eloko moko na moko. Biloko mosusu oyo atiyaki elembo te na kati ya mulongo ya biloko oyo akomaki (liste) te, ezali oyo amonaki ete po ezalaki penza mutuya te to ezalaki na ntina mingi te na kokokisa yango na biloko mosusu.

Tango Kwame abandaki kosala makambo ya lolenge na lolenge na liste na ye, okanisi ete abandaki lisusu kota bilembo na bikolo oyo alongolaki na kota bilembo na liste na ye ? Boni, okanisi ete abandaki na matalo 3 ? Po na nini ? Po na nini te ? (Balakisi, tika bayekoli ba pesa eyano.)

Eloko nini Kwame azalaki kosala na liste na ye ? Biloko oyo atiyaki na liboso – akataki biloko oyo ezalaki mutuya mingi po ete asalela tango na ye kaka na biloko to makambo oyo ezalaki koleka mutuya po na ye.

### **Koleka na leso mbala moko na leçon:**

Boni, Nzambe amitungisaka po na ndenge na biso ya kotiya biloko na molongo? Iyo, asalaka yango. Matayo 6:33 elobi na biso ete Bolukaka LIBOSO kokoma bato ya bokonzi na ye, pe kosala makambo ye alingaka, bongo ye akopesa bino biloko mosusu nyonso. Na verse oyo, Nzambe azali kosenga biso na kotiya makambo na molongo, pe kotiya Nzambe Moto ya liboso na molongo ya makambo na biso.

Na mukanda oyo muke ya Bible ya Ajé, tozali koyekola tango oyo Nzambe azali kopesa etumbu na bana ya Israël po na kotiya na liboso ya nyonso ya mabe na bango.

*Ndambu ya bansango po na Mukanda* : Ajé azalaka na ndambu ya suka ya Kondima ya Kala. Mikanda oyo mineyi ya suka ya Bible (ebangami rythmique) : Sefanya, Ajé, Zakarya, Malaki. Azali kaka na mikabo mibala na kati ya mikanda koleka mokuse ya Bible. Kaka Mukanda ya Yuda oyo ezali mukanda koleka mokuse ya Kondima ya Sika.

Kasi Ajé azali na malakisi ya Monene – Malakisi likolo ya biloko ya mabe oyo ekoki koya soki bato bazali komikosa na koyeba kotiya makambo na bango na molongo, basangisa sangisa na kotiya liboso na nyonso, pe malakisi likolo ya makamba ya kitoko oyo ekoki kosalema soki tozali kozwa makambo ya malamu po na koyeba kotiya oyo ekoki liboso ya nyonso. Totala nini Ajé azolobelis biso po na yango.

**Madodo ya minene ya lesò, elongo na kokota ya bana na likambo yango eleki malamu :**

*Tala elilingi ya bansango oyo bayekoli esengeli bayeba :*

Ajé azalaki Mosakoli – Moto oyo ayokaki makambo kuwuta na Nzambe pe azalaki koloba na bato mosusu na likabo na Ye. Abikakaki pene ya mibu 400 liboso ya mbotama ya Kristu. Mbula tuku sambo, mwa bambula yambo Nzambe apesa nzela na banguna koya na yerusalem pe koboma engomba pe Ndako ya Nzambe ya kitoko. Ezali po bato baboyaki kotosa na Nzambe pe basambelaki bikeko. Na tango ya Ajé, Nzambe abengaki batonga lisusu oyo epanzanaki. Bazwaki nzela malamu, kotunga nano etumbeli esika wapi bakokumisa Nzambe. Yango wana babandaki kotonga lisusu bandako pona bango moko. Esengelaki batonga lisusu Ndako ya Nzambe, Ndako ya losambo na Nzambo, kasi ata boye, bazalaki te kokende musika na yango. Yango wana Nzambe alobelaki bango na munoko ya Ajé na likambo yango.

## 1. Nzambe alakisaki na Ajé ete oyo bato batiyaki na liboso ya nyonso ezalaki mabe (Ajé 1:1-5).

📖 **Tanga Ajé 1:2** na bokebi nyonso pe na lolenge ya malamu. (Na ba kelasí ya likolo, okoki ko-bongisa po ete moyekoli moko atanga. Soko ezali boye, kozala na mutu na mwana moko, pe kotiya elembo na esika ya kotanga po ete amilengela na yango.)

❓ **Tuna mituna likolo ya verse.** (Kobenga moyekoli moko na lombangu kozanga kolekisa tango.)

- Nani azali koloba na verse oyo?
- Bato bazali koloba nini, na kati na mitema na bango ?
- Okanisi nini ? ete Nzambe ayebaki nini bazalaki koloba?
- Bato bayaki na Yerusalem po na kosilisa kotonga Iisusu. Boye, po na nini okanisi ete bazalaki kokanisa ete tango ekokaki nanu te na kotonga Iisusu Ndako ya Nzambe? (Biyano ekoki kokesana. Eloko eleki mutuya ezali komema bana na kokanisa nini etindaki bango basala bongo.)

😊 **Kamba bayekoli na banzembo na oyo bango bayoki.**

Kabola bayekoli na biteni mibale, na kati ya kelasí. Eteni ya liboso batelema na koyamba nzembo na rythme: «Nzambe ayokaki bato oyo bazalaki koloba... ». Bavandi, mpe na mbala moko, eteni ya bato ya mibale batelemi pe bayembi: «Tango ekoki nanu te. » (Zongela mbala 3 to 4.)

📖 **Tanga Ajé 1:3-5.**

❓ **Tuna mituna po na ba verse oyo otangaki.**

- Po na nini Nzambe aboyaki maye bazalaki kopesa lokola eyano ? po na nini bazalaki kotonga Iisusu Ndako ya Nzambe ?  
(Tanga oyo bango batiyaki na liboso ya nyonso. Bazwamaki na kotonga bandako ya kitoko po na bango moko, kasi bapesaki tina te na Ndako ya kokumisaka Nzambe. Oyo ezali kolakisa ete Nzambe azalaki te oyo batiyaki liboso na nyonso na bomoi na bango. Ezali lokola bolamu na bango elekaki ya Nzambe.)

😊 **Kamba bayekoli na nzembo na oyo bayokaki.**

Bayekoli bakoki koloba to koyemba kolandela rythme : (Maloba ezali lanki ya mingi ezali na nzela na se na yango pe ebendani. Misusu ezali mikuse pe

mbangu...)

" **Nini eleki** na mu-tu-ya ? – Oyo **Nzambe** alingi, to oyo **Ngai** na lingi ?

(Zongela mbala ebele)

Na sima bakisa likambo oyo:

**Oyo ezali** oyo e **Ieki** na-mut-uya, Ezali yango wana **po** na ngai **oyo ezali-li-bo-so** ya nyonso !

### ►!◀ Makambo ya liboso na Mukuse.

Nzambe ayebasaki Mosakoli Ajé na koloba na libota ete azalaki na esengo te na bango ete bakomisaki bandako na bango esika ya lukumu pe nkembo, eloko ya liboso koleka kutu Nzambe. Likambo yango ezalaki komonana na ndenge bazangaki ma makoki ya kotonga Iisusu Ndako ya Nzambe, Ndako ya losambo.

### 2. Makambo oyo batiyaka na liboso ya nyonso mibale ya mabe emamaki na mbeba penza (Ajé 1:6, 11).

BOOK Tanga Ajé 1:6, kotelema muke na sima ya lidodo to eteni nyonso.

#### ? Tuna mituna likolo ya Verse oyo :

Kotiya liboso ya nyonso na bango ya mabe ezali na mbanu ya pasi. Na **kobanda** kotatola maloba ya mutuya, pe bino **bokosilisa** yango.

- o Balonaki bilona mingi, kasi bamemaki na \_\_\_\_\_ .
- o Bazalaki kolia, kasi ba bazwaki \_\_\_\_\_ .
- o Bamelaki, kasi bazalaki te \_\_\_\_\_ .
- o Batiyaki likolo ya bilamba, kasi bakokaki te kobomba \_\_\_\_\_ .
- o Bazwaki lifuta, Pe batiyaki yango na saki moko. \_\_\_\_\_ .

#### • Kamba bayekoli na kosala eloko moko na oyo basilaki kotanga.

Senga na bato mitano oyo balingi. Pesa mopiko ya ebele ya bilona. Akokende kolona yango, lobala po na kobuka ya monene oyo azali kozela. Pe akoya kozonga, po na kokuta kaka mwa banzete ya bilona muke pe ya mawa. (Bongo banzete oyo esengelaki kolona ezali pe kaka wana.)

Nasima, senga na moto ya mibale na kosala lokola azali na nzala ya makasi. Pesa ye mwa muke ya bileyi, kasi ekoki ata te, pe azali kaka na nzala.

Senga na moyekoli ya misato na kosala lokola azali na posa ya komela ya

makasi. Okopesa ye kaka kopo moko, kasi ezali kaka kopo ya muke, pe azali kaka na posa ya komela.

Senga na moyekoli ya mine na kosala lokola azali koyoka malili. Okopesa ye simisi ya pete, kasi ekoki ata muke te, azali kaka koyoka malili.

Pesa na moyekoli ya mitano saki moko esalemi na elamba oyo ezali na mabulu ekatama na sé na yango. Azali kosala po azwa lifuti. Bapesi ye mabende ebele ya mbongo lokola lifuti, kasi atiyé yango na saki moko etoboka, pe mabende ya mbongo nyonso ekweyi pe azongi maboko pamba.

\*\*\*\*\*

### Tanga Ajé 1:11.

#### ? Tuna mituna na verse oyo.

- Nzambe azali kobenga biso na kosala nini ?
- Bokawuki ezali nini ?
- Bokawuki wana ezalaki na mozindo ya ndege nini ? Eloko nini oyo ekangamaki na yango ?
- Po na nini Nzambe asalaki ndenge wana ? Alingaki kobenda makanisi ya ba nani ?

☺ Nzembo na rythme: (Maloba ya kobeta mokolokoto etiyami na **mayi ya mingi** kotelema muke esika X etiyami.)

**Kotiya liboso ya nyonso ya mabe X ya-mu-tu-ya**  
Ezali komema **na mawa X lokola mba-no.** (zongela mbala mineyi.)

#### ►!◀ Madodo mibale na Mukuse.

Nzambe azalaki kolinga bato wana, kasi bango bamemamaki na nzela ya mabe pe esengelaki kobenda makanisi na bango. Makambo bazalaki kotiya liboso ya nyonso ezalaki mabe. Bazalaki katiya bolamu na bango moko likolo ya lokumu oyo esengelaki na Nzambe. Makambo ya mutuya ya mabe na bango ebendaki bapasi mingi ya pamba.

**3. Nzambe asalelaki Ajé po na kolakisa ndenge nini kobongisa oyo esengelaki batiya liboso ya nyonso po na kotiya alima na makambo ya motuya na bango. (Ajé 1:7-10).**

 Tanga Ajé 1:07 .

**? Tuna mituna likolo ya verse.**

- Eloko nini Nzambe asengaki bango na kosala ?
- Makanisi na bango ezalaki nini na kotala nini ezalaki mutya likolo na nyonso po na bango ?

\*\*\*\*\*

 **Tanga Ajé 1:8.**

**? Tuna mituna na verse.**

- Nzambe asengi bango basala nini ?
- Tango nini bango batongi lisusu Ndako ya losambo, Nzambe ayanolaki bango ndenge nini ?
- Okoyoka ndenge nini soki oyebi ete biso bato tokokaki kosala eloko moko oyo ezali kopesa ya solo lokumu na Nzambe ? (Tika bakanisa na likambo wana.)

 **Kamba bayekoli na kotiya na misala ba verse oyo basilaki koyoka.**

Kamba biteni nyonso ya bayekoli na kolanda bilembo po na kotalisa : Kokende na ngomba, komema bakoni na engomba, kotonga lisusu Ndako.

**►!◀ Mukuse ya malakisi na madodo (bandambo) 3**

Nzambe atika nanu te bato na ye, bato bakanisakanisa soki likambo na bango ezalaki nini, to ndenge nini kosali makambo na alima (na ndenge ekoki). Oyo bango batiyaki liboso ya nyonso na bango ezalaki mabe, bazalaki kolekisa tango na bango na misala ya mabe. Bazalaki na bosenga ya kobalola makambo etali oyo batiyaki liboso ya nyonso na bang ope kotiya Nzambe na esika ya liboso. Bazalaki na bosenga ya kotalisa yango na komemaka banzete oyo ezalaki na ntina po na kotonga lisusu Ndako ya losambo na Nzambe.

**4. Nzambe abongolaki elakeli mabe na mapamboli tango batiyaki makambo na molongo kotalaka kotiya ya liboso na nyonso na bango. (Ajé 1:12-13 & 2:19).**

 **Molakisi, Tiya na mokuse ba verse na esika ya kotanga.**

- Bato batosi na mongongo na Nkolo oyo alobaki na nzela ya Ajé, mosakoli.
- Nzambe ayebisaki ete akozala elongo na bango.
- Nzambe alakaki bango wuta mokolo wana, ye apambolaki bango.

#### ►!◀ Mokuse ya Malakisi ya lidodo 4.

Nzambe atindaki makama ya motindo nyonso po na kobenda makanisi na bango po ete batiya makambo na bango na molongo pe kotiya liboso na nyonso oyo esengeli. Tango bango batosaki pe batiyaki Nzambe liboso ya nyonso, Ye abandaki mbala moko na kopambola bango lisusu wuta mokolo wana kaka. Bato ba monisaki ndenge nini kotiya liboso ya nyonso ezalaki sembo na kosalaka nyonso oyo Nzambe asengaki bango kosala – kotunga lisusu Ndako ya losambo, Ndako ya Nzambe.

#### 5. Nzambe amonisali po na nini koyeba kotiya na liboso ya nyonso na bomoi na bango esengeli esalema na pole ya mokano oyo monene ya ye po na mokili (Ajé 2:3-9).

##### 📖 Tanga Ajé 2:3.

##### ❓ Tuna mituna na verset.

- Nzambe azali kotuna motuna oyo na nani ? (Ndako ya Nzambe epanzanaki bambula koleka 70. Boyo, kaka bato oyo bazalaki bampaka kati na bango bakokaki kokanisa ndenge makambo yango elekaki.)
- Mituna mibale nini oyo Nzambe atunaki bango ?
- Boni, kotala Ndako ya Nzambe oyo, nkembo na yango eleki lokumu ya Ndako ya Nzambe oyo Salomon atongaki pe bapanzaki ?
- Ndenge nini yango ekoki kokokana na Ndako ya Nzambe oyo epanzanaki na kotala ya libanda ?

##### • 📖 Makambo na mukuse 2:4-5 .

Nzambe asengaki bango bazala makasi pe na balolenge nyonso, babanga te, po alakaki kozala na bango, kaka ndenge azalaki tango abimisaki bango na bawumbu na Egipito.

##### 📖 Na Mukuse 2:6-9.

Nzambe alobi koya na ye ya mbala ekoya ekosalema tango mabele ekoningana.

- Na tango wana, POSA YA MABOTA NYONSO ekoya. Ezalaka mama na likambo moko ya kitoko oyo ezalaki kosakola koya ya Mesiya, kasi kaka te po na bayuda, kasi po na kozala Mobikisi ya mabota nyonso ya bato.
- Nzambe alakaki ete akofulusa ndako wana na Nkembo.
- Nzambe alakaki ete na esika wana, akopesa kimia.
- Azalaki kolobela po na koya ya Nkolo Yesu Kristu, pene ya bambula 400 yambo Nzambe atinda Ye na mokili po na kokoma Mobikisi na biso.
- Eloko nini ekokaki kosala Ndako ya Nzambe oyo ezalaki ndenge mosusu pe koleka likolo ya oyo ya kala ? (Soki tango epesameli, okoki kosenga na bayekoli bamiyeba liboso ya Yesu pe Ndako ya Nzambe, pe bakisa oyo nyonso ezanga. Soki tango ezali mokuse, esengeli kokende na oyo ezali kosalema:
  - Elingaki ezala Ndako ya Nzambe epayi wapi Nkolo Yesu alingaki atalisama tango azalaki nanu Mwana. Tango amonaki ye, Zacharia, Nganga na Nzambe alingaki aloba: «Miso na ngai emoni lobiko na Nzambe » (Luka 2:26-32).
  - Alingaki ezala Ndako ya Nzambe oyo Yesu alingaki koteya, tango azalaki na bambula kaka 12.
  - Ezalaki Ndako ya Nzambe oyo Yesu alingaki kotelema na lipati oyo ezalaki kosalema mbala moko na mbula moko pe koloba: «Malakisi na ngai eyuti epayi na ngai te, kasi na Moto oyo atindaki ngai » (Yoane 7:16 ).
  - Ezalaki Ndako ya Nzambe oyo Yesu apanzaki ba mesa ya bato oyo bazalaki koteka mpe kosomba na mbongo (Matayo 21:12 ).
  - Ezali Ema oyo Nzambe Tata apasolaki elamba ya Ndako ya Nzambe, banda na likolo pe na nse kaka na tango ya liwa ya Yesu, elakisi ete mbeka ya Yesu likolo ya Ekulusu efongoli nzela ya koya mobimba liboso na ye pe kozwa kimia kati na ye (Matayo 27:51 ).

### ►!◀ Na mukuse, lidodo ya 5.

Bato batiyaki pembeni mosala ya kotongo lisusu Ndako ya Nzambe pambate bazaka komipesa koleka mingi na misala na bango po ba na baposa na bango. Nzokande eloko Nzambe

azalaki kosenga bango ya kosala ezalaki koleka mutuya na kati ya mokanu ya Nzambe po na lobiko ya mokili mobimba. Esengelaki batonga lisusu Ndako ya Nzambe oyo Yesu, mwana ya Nzambe, akokaki kotambola ! Kasi bango balingaki te komona eloko wana tango ya bomoi na bango, boye esengaka lisusu bambula 400 kolandana, kasi na kati ya manaka ya Nzambe, boye, lokola basalaki mokano na Nzambe pe batiyaki Ye na liboso ya nyonso, bazwaki ngolu ya kozala eteni moko na yango – eteni ya eloko moko oyo ya monene. Bazalaki, toloba ete babosanaki bolamu na bango lokola ezalaki mutuya koleka Nzambe pe mukano na ye.

### **Bosenga po na Moyekoli oyo asila kobikisama:**

Nani eyebi makambo minene nini Nzambe akoki kosala po na yo po okoma eteni moko na kati mokano na ye oyo ezali monene makasi? Ezali na eloko moko ekoki kotindika na kati ya magazini ya moto nyonso na kati na biso po tolinda yango. Makambo nini oyo ezali ya liboso na bomoi na yo ? Esika nini oyo ya likolo to ya liboso oyo Nzambe azali kozwa na mulongo ya bamakambo na yo ? Biloko nini mususu oyo ezali ntina mingi po na yo ? Okoki kobungisa ebele ya tango na yo oyo ekozala ntina to mutuya mingi na yo ? Ekoki kozala na bato na bomoi oyo okokaki kotiya na liboso koleka nyonso ? Eloko nini okotiya na liboso na makambo ya classe na bomoi na yo ? Okolina ete mokolo moko kokomisa yango eloko ya liboso koleka?

Olingi kosambela na malembe wuta lelo pe senga na Nzambe po alakisa oyo okoki penza kobungisa lisusu na oyo etali kotiya na mulongo ba makambo oyo ezali ya liboso ? (Mulakisi, pesa nzela na mwa tango na losambo ya se ya motema. Na suka, silisa losambo na kosenga na Nzambe, na kosunga moyekoli ne koyeba kotiya biloko na molongo, Nzambe na liboso, mpe likambo na likambo na esika na yango na ntina na bomoi na bango.)

### **Mabongisi po na kosilisa**

Nzembo ya bato nyonso –Li, li, li, li–**bo**–so! (Zongela yango mbala ebele.)

### **Invitation po na moyekoli oyo nana abongoli motema te**

Mobeko ya yambo ezali ete totiya Ye na esika ya liboso. Soki tozali sembo, ebele na biso tokweyaka na likambo wana. Moko te na biso akoki koloba ete atiyaka Nzambe kaka na esika ya liboso, Boni, tokoki yango ? Ya solo oyo Bible ezali koloba: «Bato nyonso basala masumu... Ata moto moko te azali moyengebene, ata moko te. "Moko te na biso akokaki kobomba malamu mobeko wana lokola Nzambe azali kosenga biso yango, boye Nzambe atindaki Mwana na ye oyo akokaki na nyonso wuta na likolo. Yesu abatelaki mibeko na Nzambe. Ye azalaki kotiya Tata na ye na liboso ya nyonso. Apesaki bomoyi na ye likolo ya ekulusu lokola mutuya oyo esengelaki (kofuta) bambeba na biso. Nzambe alakisaki ete andimeli mbeka ya Yesu tango abimisaki Yesu kati na bakufi. Yesu azali na bomoi lelo.

Soki omilengeli, okoki kobelela ye pe kosenga ye na kobikisa yo. Kaka koyebisa ye ete ozali na mawa mingi po na masumu na yo, pe ete ondimeli na Ye. Oyo mokolo ya esengo nini tango ngai na yaki na Yesu ! Na zali kobondela yo pe na koya na Ye.

Molakisi, eleki malamu ete na likambo oyo etali bomoi na yo, okoki kolendisa ba oyo bazali kolikia na Yesu lokola mbano ya malakisi na yo, kokoma bakombo na bango na eteni ya likasa ya mukanda na maloba lokola : "Na Yambi Yesu", pe pesa yango tango bango bazali koya ko mona yo.

### **Nzembo oyo ekoki kotambola nzela moko na lesy oyo**

Kosala oyo eleki na mutuya liboso ya nyonso, tango nyonso  
Kaka kosala makambo eleki na ntina liboso ya nyonso.  
Okozala na elikia ya kozwa biloko oyo eleki na mutuya oyo esi esalema.  
Soki okosala makambo oyo eleki na mutuya liboso na nyonso.  
**LIBOSO NA NYONSO !**

# # # #